

DISPUTATIO MEDICA
 INAUGVRALIS
 DE
 CALIDO INNATO,
 Quam
 Sub

Moderamine Iatriarchæ Cœ-
 lestis, Medici Cunctipotentis
 Felicissimi,

ex
 DECRETO ET AVTORITATE
 Nobilissimi & Gratosissimi
 ARGENTORATENSIVM
 Universitatis celeberrimæ
 COLLEGII MEDICI,

pro
 Summis in Arte Medica Honoribus & Pri-
 vilegiis Doctoralibus ritè & legitimè
 consequendis

*Publicæ placidæq; Philiatruræ Disquisitioni
 submittit*

M. JOHANNES CHRISTIANVS MACKIVS,
 COBURGOFRANCVS.

Ad diem XXV. Novembris H.L.Q. consuetis.

ARGENTORATI,
 Typis JOSIÆ STEDELII, ACADE-
 MIÆ TYPOGRAPHI.
 ANNO M DC LXIII.

ILLUSTRISSIMO.
SACRA.
ROMANI. IMPERII.
QVADRVMVIRO.
COMITI GENEROSISSIMO.
DNO. DNO.
ALBERTO ANTONIO
COMITI.
SCHWARTZBURGI. ET. HOHEN-
STEINI.
DYNASTÆ.
ARNSTADII. SONDERSHVSÆ.
LEVTEMBERGÆ. LOHRÆ. AC.
CLETTEMBERGÆ.
COMITI AC DOMINO.
SVO.
CLEMENTISSIMO.
GRATIOSISSIMO.
HANC
INAVGVRALEM. DISSERTATIONEM
HVMILI ME.

SACRAT.
M. JOHANNES. CHRISTIANVS. MACKIVS.

F. N. S. S. T.

THESIS I.

Acturi de Calido innato recordamur præcepti Galeni, & statim devolvimur ad Vocum cunabula; ἐπὶ πάντων ζηημένων, scribit, (α) εἰς λόγον καὶ α) M. M. c. 3. μεταλαμβάνειν ὅλῃνομα, in omnibus, de quibus quaeritur, ad rationem oportet sumi ipsum Nomen: Vocis enim Usu cognitō, sæpe numero devolvimur in reicognitionem (b). teste I. C. Scaligerō.

II. Nomina habemus examinanda & Græca & Latina: Ufiora sunt τὸ θερμὸν ἐμφυτον, calidum innatum. Sed cum utraque vox per se clara, nec ullum de originatione aut compositione subfit dubium, progredimur.

III. Quod hic quaerunt Autores est, an pro τὸ ἐμφυτον liceat substituere σύμφυτον, ἀρχήγονον, πρωτόγονον? prius illud lubentius admittunt: posteriora autem duō difficulter. Putamus, in respectu ad calidi nostri ortum Galenum hæc nomina calido haud nalè adaptasse, cum, quod verba illa volunt, nobis primum insit, prout eleganter id demonstrat Cardelinus Victor (d).

IV. Synonyma sunt, τὸ θερμὸν σύμφυτον, ἀρχήγονον, φυσικόν, ζωτικόν, πῦρ ἐμφυτον, σύμφυτον, σύντροφον: calidum, calidum insitum, nativum, calor vitalis, innatus, connatus, calidum vitale, ignis naturæ, nativus, animalis, Lampas vitæ, Germ. die natürliche Wärme/ die eingepflanzte Wärme.

V. Rem ipsam inspecturi maximè simus solliciti de Definitione, cum omnis, quæ à ratione suscipitur de re aliqua institutio, debeatur à Definitione proficisci docente Cicerone (e). Hic inferi & præmitti solitam Quaestionem ansit, omittimus, ne nobis de iis re-

b) Exercit. I.
f. 1. de caus.
LL. c. 4.

c) Lib. de orig. fct. c. 8.

d) l. 1. Offic.

bus, quæ per se notæ, quærentibus suum *Philosophus* occinat *λοῖον*, quod de Natura agentibus &, an sit, sciscitantibus opponit, (e) Calorem enim nobis inesse certissimò est certius, sed quid sit, intricatum satis & Doctoribus interdum ignotum quod de se est falsus *Ioh. Baptista Montanus*.

VI. Nobis, dum hæc molimur, speramus fas fore atq; integrum, Viros graves, qui de hoc argumento scripserunt, audire, confidentes tantam nobis nostram, quantam Ciceroni (f) sua dedit Academia Licentiam, ut, quod maxime probabile occurrat, jure nostrò defendamus. Veterum vestigia sequi, si rectè itinere præcesserint, semper cum (g) *Plinio* duximus honestissimum, contra turpissimum *Aristotelis*, *Galenii*, *Fernelii* aliorumve autoritate compelli, ut ingenii fasces iis submittamus, & quod in *D. Thomæ* respectum se fecisse dicit *Didacus Masius* (h), sententiam, quam intellectu faciliorem paucioribusq; difficultatibus noverimus patentem, reiiciamus.

VII. *Galenii*, *Fernelii*, *Sennerti* & aliorum sententias colligere & huc revocare superfedemus, cum illas *ὁ πολυμαθὴς αὐτὸς* CONRINGIUS collectas & examinatas publicârit in aureo suo de calido innato Tractatu (i), unde nos sequentem eruimus definitionem. *Calidum innatum est substantia flamma similis, Condi radicaliter insita, oriunda potissimam sui partem ex semine Maris, sanguine enutrienda, pro cuius puritate ac integritate corpus nostrum, cum per arterias cum sanguine communicatur, vegetum existit aut morbidum, & ad cuius consumptionem extinctionemve Mors naturalis sequitur aut violenta, Animæ organon & vinculum.*

IX. Consonat, quam Excell. D. MOEBIUS, quondam in *Illustri* propter *Salam* Præceptor noster æviternò cultu nobis semper colendus nos docuit; (k) *Calidum innatum est substantia simplex, per se calida levis, Cordi in generatione Hominis per Semen insita, quæ partim à Sanguine materno in utero, partim ab alimentis extra uterum aucta, omne corporis partes calore perfundit, nutrit, auget, estq; proximum Animæ ac omnes alias actiones expediendas organum.* Idem sensus ambarum sectamur nos priorem.

IX. GENUS est *Substantia*, pro qua Veteres ipsum calidum habuisse exinde quidam colligunt, quod Autores semper dicantur cali

e) l. 1. Phys.
c. 1. t. 6.

f) l. offic. 3.

g) Ep. 1. s. 8.

h) commēt.
ad c. 5. l. 4.
physic.

i) c. 3 4. 5.

k) instit.
med. c. 6.
s. 8.

calidum innatum, non calor innatus: accuratè enim loquendo, Calor non est Substantia, sed qualitas & differunt inter sese calor & calidum, ut abstractum & concretum: quin imò non potest non referri calidum innatum ad corpora, cum & è corporibus constituatur ac fiat per corpora instauretur, augeatur, crescat & conservetur. Pluribus hoc ipsum persequitur (l) Sperlingius. Cum Scaligero (m) qui ex sapientum scriptis calorem nativum vocant Spiritum, non entitatem spirituales, sed subtilitatem eius intelligunt.

X. Cœlestem naturam excludimus, neque ipsum credimus ἀνάλογον τῷ τῶν ἀσπῶν σοιχείῳ, quod ex sinistra interpretatione verborum (n) Philosophi tractum obiciunt. Elementaris autem naturæ id esse credet, speramus, qui considerat contrarium frigus elementare, per quod læditur & extinguitur: calorem, quò fovetur & refocillatur: materiam etiam ex qua fit, qua nutritur, crescit & conservatur.

XI. Ad ignem optimè referri posse demonstrat (o) Conringius, opposita quæ sentit argumenta solvit sicque lectus pro nobis respondebit. Philosophum (p) expressè ignem vocasse, ut & ipsum Hippocratem novimus. Flammæ similem substantiam credidit (q) Galenus, qui cum dixisset, calidum nativum comparari flammæ, subdit, hic sermo apud omnes fere recentiores tum Medicos, tum Philosophos in precio est.

XII. Lucidam statuentium antesignanus est Ioh. Keplerus (r), quem Bartholinus (s), Helmontius (t) & alii sequuntur. Negativæ nos subscribimus.

XIII. Speciosè excogitata novæ illi sententiæ, quam de modo accensionis huius flammæ fovet Cl. Sylvius, Med. Pract. in Acad. atav. PP. ordinarius, ubi de nutrimento huius ignis erimus acturi, propriam adsignabimus thesin, jam progredimur ad:

XIV. SUBIECTUM. Generalius calidi nostri subiectum præter totum corpus, est Cor, jamdudum docuit Philosophus, (u) Cor dicens omnibus animalibus est necessarium, ὅτι τὸ πᾶν τῶν ζῴων ἀπὸ τοῦ πυρὸς ὁρμᾶται, propter caloris originem: oportet enim, addit, adesse locum aliquem quasi Lares focumq, quò Natura fomites & primordia ignis nati contineantur & conserventur. Galeni (x) testimonia sufficit alle-

l) l. 7. Inst. phys. c. 2.
m) Exerc. 280.

n) l. 2. G. A. c. 2.

o) l. c. c. 6.

p) l. 2. de Anim. l. 4.
l. 2. P. A. c. 7.
8. & 15.

q) l. de marasm. c. 3.

r) Paralip. ad Vitell. & Harmon. mund. l. 4.

c. 7.
s) Anat. ref. it. de Luc. an. l. 1. c. 21.

p. 137.
t) lib. blasphem. t. 24.
u) l. 3. P. A. c. 7.

x) l. 7. ad min. anat. c. 8. l. 5. L. A. c. 2. l. 6. V. P. c. 7. & c.

XV. *Commoditatem huius subiecti* & quas hoc in negotio Natura Cor subire jussit ad ellychinii vices præstandas aptitudinem non satis possumus admirari. Ut paucis multa dicamus: *Primò* longe diversa est Cordis substantia & natura, dum sanguinem non venis & arteriis, sed carne propriâ comprehendit: *accedit*, quòd caro illa sit bibula & spongiosa, nec sine modica densitate ad motum, qui sanguini arterioso in corpus universum expellendo necessarius, sustinendum, inhibet etiam impetum copiosioremq; affluxum alimenti, quod per angustos meatulos sese insinuare debet. *Nec omittendum*, carnem illam cordis facilè incalescere, sicque calore suò mutuatiō primarium ignem cordis juvare: Sinus & auriculæ, *quod etiam addendum*, licet ad cordis carnem non pertineant propriè, multum tamen ad ignis nativi conservationem faciunt. Tandem, nec ipsa extrema cordis superficies frustra est carne reliquâ densior facta & obducta tunicâ, multum quippe facit ad calidi nativi tutelam.

XVI. *Specialius autem Subiectum* & radicationis alii habent aliud. De latere sinistro sunt diserta verba (y) Hippocratis & (z) Galeni. Dextro lateri primas defert Aristoteles, quem sequitur Sylvius (a). Vtriq; parti parem & æqualem defert calorem (b) Hoffmannus. Pro basi pugnavit (c) Meletius. Septum intermedium introducit Conringius (d) rationum suarum fundamenta ponens in carnis, quæ ibidem est, crassitie & immobilitate, & quod omnia etiam cordis latera externa sinuum pariter & basis ac conus extremus cordis ad medium illud septum, tanquam ad centrum sui motus, contrahantur, unde ibidem vim moventem primò contineri colligit, calore fieri motum pro certo ponit: *primum autem motorem quiescere* docet (e) Aristoteles: Notat; interdum in aliqua cordis parte non nihil abscessui simile enatum, superstitite tamen aliquandiu animali, in ipso autem Septo tale quid nunquam deprehensum, nec deprehensum iri. ἐπίκεισθαι addere non sufficimus, pro tempore Neoreticorum, quæ Hippocratis & Galeni fuit, sententiæ subscribimus.

XVII. *Ignem quòd cor non consumatur*, causam credimus partim

(y) l. 3. de
Cord.
(z) l. 7. V. P.
l. 2. Temp.
c. 3.
a) vid. §.
b) comm.
ad Gall. V.
P. n. 858.
c) t. este Cō-
ring.
d) c. l.
e) de anim.
mot. l. 3. P.
A. c. 4.

tim ipsius substantiam, partim quod calidum illud multô humore temperatum. Elegantissima sunt de hoc ipso verba Theophrasti (f) εἰς τὰς τήξεις, inquit, τὸ ὑγρὸν ἀρχειον, ad liquandum inu- f) l. de igne
tile est humidum; quæ sequuntur verba nos non addimus.

XIIX. SECUNDARIUM subiectum sunt omnes corporis nostri partes, ad quas cum Sanguine vehitur, inter eas tamen cum primis viscera, quæ præ cæteris multô calore prædita esse ipsi sensus docent.

XIX. Placet ORDO, quem in iis locandis observavit Conringius, & locum 1. Pulmonibus, quod voluit Philosophus (g), 2. g) l. 2. G. A.
2. Epatri, 3. Lieni, 4. Renibus, 5. Testiculis attribuit. c. 6. l. de re-

XX. De CAUSA MATERIALI & ortu ignis nostri alii spirat. c. 13.
aliter loquuntur. Quidam ipsum non naturalem, sed acquisitium: alij animalis corpore jam perfecto supervenire putant, excitatum motu arteriarum & cordis: alij illud κύμα Gale-
ni pro ipso substituunt. Nos cum recentioribus, Philosophi legentes vestigia, (h) qui vocat calidum nostrum τὸ ἐμπεριλαμβανόμενον ἐν τῷ σπέρματι καὶ ἐν τῷ ἀφρώδι πνεῦμα, spiritum, qui in semine h) l. 2. G. A.
humosq; corpore continetur, dicimus, id oriri ex spirituosioribus c. 3.
feminis masculi partibus.

XXI. Ingeniosa est collectio Conringij (i), quâ calidi huius i) l. c. c. 23.
primordia proponit. Statuit calorem nativum primô statim conceptûs momentô adesse, cuius vi omnes partes generentur, & vero esse valde simile, prodire eundem ex semine maris saltem potissimam partem, eoque magis, cum semen hoc femini-
nô multô calidius, quippe quod suis adhuc vasculis seminariis inclusum sensibilem de se spargit calorem, qui maior sit & igneus quasi vel solis cogitationibus libidinosis aut pudendo-
rum motu & contritu blandô, quem adhuc maiorem fieri in ipso certamine circa animalium genitalia observata incalescen-
tia probet, nisi spiritus in arcu tendendo & spiculis eiaculan-
dis sufficerent. Nec est ἀλογον, quod affert, simile de plantarum
feminibus, quæ si aquâ madefacta & in cumulum coniecta, non
solum incalescant, sed suô illô igne in cineres semet ipsâ haud
carò redigant: ut semen uterum ingressum gliscentem in se
cintillulam in iustum & generationi aptum ignem faciat exsur-
gere.

gere: adiuvat illô tempore calefactus uterus & igniculis quasi radians, quodque sibi sperat obferri semen masculinum amplecti fovere & fermentare quasi gestiens, quô ipsô postmodum parvus ille ignis, qui perfecto semini inerat, & per Venerem adauctus, sufflatur magis ac crescit, donec suapte vi sese tueri potest, liber fit & mobilis ac alimenta quærit atque pabula.

(k) Phys. l. 7. p. 1143. **XXII. PABULUM** calidi nostri *remotum* sunt alimenta, *proximum* sanguis huiusque præprimis partes pinguiore sulphureæ. *Sperlingius* (k) calidum innatum alimentorum calidum nostrum vult nutrire: videtur, sed non est, nobis contrarius.

XXIII. De HUMIDO RADICALI, de quo omnes, non aliter ac suis in Theatris Anatomici de Vase brevi loquuntur, quid dicamus? una forsân & eadem hisce est veritas & existentia! *De vase brevi* notanda sunt verba supra citati Anatomici l) disput. de exercitatissimi, Sylvii, de hoc, inquit (l), quicquid tanto cum apparatu, pompa, strepitu & ridiculo imperitorum applausu in theatris anatomicis, aut alibi, præferri solet à multis, id omne commentum est & somnium. Idem ferè quis cogitet de humido radicali, cum & hoc nullâ, quamvis maximè attentâ investigatione deprehendi in corde possit, ubi tamen debebat, cum pro pabulo sui coætanei calidi nativi factum & præparatum creditur adservari. humor etiam sit corpus & quid sensibile: nec minima illius quantitas desideretur, quippe quæ à primo ad ultimum vitæ terminum durare deberet. Introducamus *Conringium*. Fac, inquit (m), quotidie non nisi grani unius pondus humidi radicalis absumi, profectò ad vitam in annos centum, aut amplius, producendam etiam sic aliquam multis libris fuerit opus: certè, pergit, plus integræ libræ requiritur per annos centum, utut in diem non nisi tertiam grani partem deputes: adhuc longè minus, concludit, usus quotidianus exposcat, saltem uncia, saltim drachma unica fuerit satis ad omnem vitam, illa utiq; quantitas esset conspicua in Corde fetus, aut primùm nati animalis, nec tamen vel hanc inde expresseris. Quid si quærat, an à masculino, an feminino semine oriatur? ubi lateat an tequam cordis amplitudo & capacitas eo recipiendo fiat apta. Nostrum hîc est ἀπὲρ.

XXIV. FULIGINES & EXCREMENTA an in hacce calidi nativi passione generentur & fiant, quasq; per vias excludantur, Autores ambigunt. Claro illi de hoc Galeni (n) iudicio ap-
 ponimus Magni ROLFINCII, filiali observantia nobis ubiq; & semper
 colendi, iudicium, quod tale (o). Secundarius Pulsus finis seu usus
 est *σωμεία τῆς καλὰ ψύξεως*, conservatio ventilationis & à recrementis ex-
 purgatio. Ut ignis culinaris sine ventilationis motu extinguatur, fa-
 bellò motus reviviscit, ita noster naturalis. Ventilatione illa fuligines
 pulmonum expiratione difflantur per *αἰσθητικὰ ἀσπλῶ διαπνοή*, circum-
 ferentiam insensibili transpiratione discutiuntur & nonnunquam sudore
 sensibiliter expelluntur.

n) de Vt. re-
 spir. c. 3.
 o) diff. de
 Cord. c. 18.

XXV. Qui à simili petita hæc argumenta conantur evertere per hoc, quòd Vini Spiritus & Camphora conflagrent reli-
 ctis post se nullis fuliginibus, ipsi contradicunt Experientiæ.

XXVI. Salsum illud & nitrosum, quod cum Urina nunc, nunc cum sudore per cutis spiracula & vesicam egeritur, ex hac passione oriri putat Conringius : Sed cum non videamus, quòd possit è numero causarum excludere, quam Philosophus & alii receperunt, *τὴν τῆς προφῆς* scilicet *καὶ οὐκ ἐστὶν ἡ σελήνη ἀπὸ ψύειν*, ita non videtur procedere, quod probationis locò affert, plus solitò genitam in ardentibus febribus falsedinem à sola illa adustione esse: largimur ipsi, cum solutu sit facillimum, alluenti sero commisceri, & unà cum hoc vel per vesicam, vel cutis spiracula insensibiliter profundi.

XXVII. Novam nunc de modo accensionis & ventilationis innati nobis ignis producimus sententiam. Est illa acutissimi illius Philosophi & ut idem de seipso, Anatomici longè ultra centum humanorum cadaverum sectione exercitatissimi, D. FRANCISCI DE LE BOE, SYLVII, Præceptoris nostri in florentissima Batavorum Lugdunensi, plurimum nobis devenerandi, cuius ipsa verba, ob raritatem, chariora speramus.

XXIIX. Exorditur, (p) quod hoc punctum concernit, de in-
 spirati exspiratiq; aëris necessitate & utilitate, & fundamenti lo-
 co præmittit, naturalem Hominis vitam pendere proximè ab ignis in corde
 accensi, hinc per arterias cum sanguine quaquaversum distributi, perpe-
 tuitate, postquam ipsius extinctionem consequitur statim &
 B
 semper

p) disput.
 med. 7. §. 52.

semper mors. Accendi ergo & ab extinctione præservari debet ignis ille cordis vitalis ad Vitæ perennitatem. Accenditur autem ita & quidem perpetuo ignis vitalis ex sanguinis tum adscendentis bile & mara imbuti, tum descendens Lymphâ subacidâ referti in Cordis auricula dextra, hinc & Ventriculo dextro confluentis effervescentia, quam ne valde abfimilem putamus artificiosæ ex lixivio sulphuri cuius per cocturam juncto ad aceti vel vini acidiusculi affusionem productæ. Censemus insuper multas partes igneas, tum in acido Lymphæ spiritu, tum in amaribilis sale lixivioso semper abundantes in conflictu illo à suis compedibus liberatas erumpentesq; aggredi & ingredi partem sanguinis butyrosam, ita ut tamq; blandè accendendo calorem illum sensui nostro manifestum causent. Effervescentiæ autem huic fervoriq; contemperando inspirationem aëris halitibus verò tunc simul excitatis exterminandis expirationem eiusdem opinamur dicatam.

q) §. 58.

XXIX. Huius opinionis confirmationem, inquit, (q) petimus ex singularibus, quæ in Pulmonibus ipsis & animalibus Pulmones habentibus occurrunt observanda: quæ cum multis sint, mittimus.

r) §. 70.

XXX. Quæ autem vi aut quæ ratione inspiratus aër æstuat temperet, etiam probat. (r) Quemadmodum 1. plus aëris requiritur igni fumanti flammantive conservando, minus prunæ: sic plus aëris desideratur temperando cordis igni interno in animalibus respirantibus auctiori, minus in transpirantibus duntaxat pauciori. 2. Quemadmodum pro cuiusvis ignis augmento vel decremento plus vel minus aëris requiritur; sic pro aucto diminutove ignis vitalis incendiò augetur minuitur in nobis inspiratio, ac plus minusve inspiratur expiraturq; aëris. 3. Quemadmodum etiam pro ipsius aëris diversitate observamus differre plurimum ignis externi vivacitatem: Sic ad eiusdem aëris mutationem deprehendimus & ignem cordis internum mutari sensibiliter, & respirationem contingere variam: nam existente aëre frigido & sicco vegetior est ignis noster internus, proceditq; respiratio facilius: eodem autem existente turbido, æstuante & pluvioso, hebetatur ignis noster internus proceditq; respiratio difficilius. Tandem 4. ceu ignis fornace conclusus noster ignis vitalis existit vivacior, quando præter transpirationem integra permagnet aëris inspiratio & expiratio, hebescit verò quàm primum alterutra vel minimum labefactatur, suffocatur deniq; ubi respiratio intercluditur.

XXXI. Denique addit etiam & exponit, quid ex aëre sanguini, cuius æstum ab inspirato illo temperari demonstrat, communicetur: Cum verò, inquit, (s) hætenus nihil observatum sit, s) §. 75. quod condensandi hinc & æstum comprimendi vim habeat æque ac Sal, proinde Salem puriorem ac simplicem per aërem dispersum suspicamur eumq; copiosiore Hyeme aut hyemali existente aëris constitutione. Et concludit; Aerem inspiratum ratione salis sui purioris condensare denuò in pulmonum vasis sanguinem, in Cordis ventriculo dextro rarefactum, atq; operâ eadem reprimere æstum maiorem in ipso simul excitatum, huncq; primarium esse Pulmonum & Respirationis usum. Hæc Sylvius, quid laudis mereatur & consensûs, Doctioribus linquimus penitandum.

XXXII. CAUSA FINALIS & USUS Omnes nostri corporis partes calore perfundit, nutrit, auget estq; proximum Animæ ad omnes actiones expediendas organum, uti ex Aristotele bene colligit Mæbius (t). Habet sese ignis hic, volente Philosopho, (u) instar mallei in arte fabili: Et Hippocrates (x) dicit; calidissimus in Corde ignis omnibus dominatur, obiens omnia secundum naturam, sine strepitu, cum visu, auditu, cum tactu: in hoc anima, mens, prudentia, auctio, motio, demissio, mutatio, somnus, evigilatio. hic omnia per omnia gubernat & hæc & illa, nunquam quiescens: ἐνὶ λόγῳ, ad summam, Ignis omnia, quæ sunt in corpore, suo modò ad universi imitationem parva cum magnis & magna cum parvis disposuit. Hinc suam erroneam de anima sententiam hausit Andronicus Rhodius, cum ipsam calorem esse credidit, quem redarguit Philosophus (y) dum φασὶν αὐτὸν, importunè ita statui dicit.

XXXIII, DIFFERENTIA. Pro dignitate hocce argumentum nos exsequi velle, non pollicemur, digitum tendemus ad fontem & tempori studebimus.

XXXIV. Naturâ Mares Feminis, ut in universum dixerim, vivaciores, sunt verba Philosophi (z) cuius rei causa est, ὅτι θερμότερον ζῶον ἐστὶν αὐτῶν ὅτι τὰ θήλεα, quòd Mas Feminâ calidior. Senium ætatibus antegressis frigidius esse idem probat; (a) Senectus & quod emoruum est, obarescit algetq;: adsentit Cons (b) qui etiam diversitatem nos docet intercedentem tempore somni & vigiliarum, cui ad stipulatur ipse Galenus (c), quorum verba prolixiora brevitatis & nostri

d) l. de Sōn.
c. 3. l. 3. H. A.
c. 19.

e) l. S. 15.

f) l. de Iuv.
sen. vit. &
mort.

g) l. 3. eth.
c. 9.

h) lect. an-
tiq. l. 21. c. 4.

i) de respir.
c. 17.

k) l. de respi-
rat. c. 8. l. 3.
de cœl. c. 6.

nostri instituti ratio recitare vetat: unum hoc addimus Philosophi (d), *Qui somnō premitur, & deficit & refrigeratur, atq; ob frigus palpebræ decidunt, quin & partes superiores & extrema frigent.* Ad animi motus moveri, alterari, augeri minuique calorem hunc in se quisvis observabit. Aer quid possit, docuit Sylvius. *Hyeme & vere ventres esse calidiores* est effatum Coi: (e) adde quæ proponimus infra.

XXXV. Et hæc de calidi nostri Ortu, Incremento, Differentiis & Usu. Nunc quoniam, juxta effatum Philosophi (f), *nece est Vitam & calidi huius integritatem, & quæ ita vocatur, Mortem ex corruptione esse*, pauca addemus de interitûs & extinctionis modis.

XXXVI. Discrimen autem præmittimus inter mortem naturalem, prout illam Philosophus sumit & Vulgus. juxta Philosophorum enim mentem id solum naturaliter mortuum dicitur, quod vitâ suâ ad debitam perfectionem deductâ, absque ullo morbo obit & obdormiscit: & dicitur *naturalis*, licet Aristoteles (g) vocârit *πάντων τῶν φύσιν φύσιν ὁρίσασθαι*, sumtâ voce hac pro eo, quod rei, cuius est, naturam necessario consequitur, ita ut in ea existentia suæ principium habeat: nam inest homini viventibusq; ceteris. Mors ex materia physica, jam potestatibus animæ subservire amplius nequeunte, explicante ita Cœl. Rhodiginô (h). Hinc accidit, ut hæc mors naturalis sine ulla notabili doloris aut molestiæ sensu animantibus superveniat, uti scribit Philosophus (i) *ἀλυπὸν ὅτι τῷ γῆρας δάνατον*, sine dolore est mors in senectute, nam nullô violento affectu ipsis accidente moriuntur, sed prorsus sine sensu Animæ fit solutio.

XXXVII. Modorum quibus calidum nostrum soleat destrui Aristoteles (k) primum vocat *σβέσιν*, alterum *μαρτυρίαν*: illa est extinctio à contrario, adeoque semper violenta: hic marcor naturalis: explicationem inveniet c. l.

XXXVIII. Aristotelicum hoc dogma alii aliter exponunt, quorum enarrationi superfedemus. Conringij mens quæ sit, paucis addimus. Putat ignem nostrum verè & propriè interire modis duobus, scilicet factâ transmutatione per frigus contrarium, & ex defectu sobolis, quem ultimum modum contingere pos-

re posse putat, cum ex Materia, tum causæ efficientis, Loci & Temporis vitiô, supra citatum, sed nunquam satis laudandum, Tractatum ut B.L. adeat, rogamus.

XXXIX. *Nos ita deducimus*: Ignis noster nos deserit, interit & extinguitur, vel *Naturaliter*, vel *non*; quod fit, vel I. adveniente *Marcore*: II. *Extinctione*: III. *Suppressione*: IV. *Suffocatione*, & V. *Dissipatione*. Posteriores quatuor modi sunt non naturales, primus solus naturalis; alter sine altero nequit considerari. voluisse fat erit!

XL. *Marcorem*, qui primus & solus modus est, quô naturalis mors nobis accidit, & vitæ curriculô decursô necessariô nobis obvenit, mortem inferre omnium naturalissimam quamque evitare nemini datum, supra dictum. Causari hunc dicit *Aristoteles* (l) ab impedita respiratione, cui suffragari videtur pri-
mô intuitu, *Experientia*, quâ Senes Pulmonum morbis maximè laborare constat: & *Hippocrates* (m) inter Senum morbos col-
locans primô locô *σπασμὸν*. Sed remotior hæc est causa & cau-
sa causæ: qui Pulmones exsiccatos accusat, unde exsiccentur
causam afferat: arripimus, quam affert *Conringius*, *Cordis scilicet indurationem*. Etenim certum & ipsi Philosopho verum est,
Cor ut Pulmones per ætatem indurescere, & quia Cor Pulmoni-
bus est multô calidius, videtur hæc induratio magis obtinere in
Corde. Exinde verò calorem de facili extinguï posse, vel ex uno
hoc colligitur, quòd Cor induratum ad motum fiat ineptum,
anguinem non possit in sua interiora ad principium Caloris
mittere nec expellere, (& hoc modô Pulmones, immediatè a
Corde sanguinem accipientes, exsiccantur) ut hinc necessariô
in Cordis sinibus sequatur vel sanguinis defectus, vel retentio
& copia nimia, quæ per *σβέσις*, ut illa per *μάεσσις*, nocet.

XLI. *Adde*; Cor exsiccatum ellychnii vices obire non posse,
nec ipsum amplius calefieri, unde ignis debilitas, debilitata
teriori sanguinis coctio, & hæc frustratâ ipsius alimenti defe-
tus, quem Cordis & totius tabes sequitur & mors. Ex quibus
optimè concluditur; Cordis siccitatem causam esse maximè natu-
alem marcoris seu mortis naturalis. Si enim Pulmonum aut
alterius partis vitiô extingueretur natus cordis ignis, non uti-

que propriò cordis, adeoque ipsiusmet & principii affectu, sed alijs efficeretur interitus. Nec impedimentò quòdam refrigerationis, sed exsiccatione caloris principio, animalia illa, quibus nullæ sunt branchiæ aut Pulmones, ut & Plantæ, ignem nativum amittunt: Communis autem rei, communis est causa.

n) l. de marasmo. XLII. Galenum hanc cordis siccitatem cum dependente exin morte prævidisse credibile, quia (n) *solius cordis siccitati inevitabilem nativi ignis extinctionem adscribit, quod cor tandem nequeat attrahere alimentum.* Pabuli autem defectum ad internecionem esse viam, quis negat? *προφὴν δὲ μὴ λαμβάνοντα καὶ τὰ φύτα καὶ τὰ ζῷα φθείρεται, cum alimentum non recipiunt, tam animalia, quam plantæ, interire solent,* scribit Philosophus (o) *συντῆκει γὰρ αὐτὸ, τὸ αὐτὸ, idem seipsum emacerat.*

o) l. de juv. & sen. c. 4.

XLIII. Viscera primæ & secundæ coctioni destinata & famulantia, quid huic tribuant, nobis declarare tempus non sufficit. Diuturnas in edias habemus pro fabulis, & quæ narrantur plurimæ esse suspectæ fidei. *E numero verè abstinentium cum Conringio ejicimus,* à cibo solido, non autem à Cerevisia, lacte, vino, aliove simili generoso potu abstinentes. Solidus enim cibus non simpliciter ad vitam calidumve nativum tuendum est necessarius, sed facere videtur ad id, ne partes corporis solidæ nimia humiditate flaccescant, & ut justa siccitas, unde corpori suum robur concilietur. Morbo decumbentes ad multos sæpe dies ab omni cibo abstinuisse, regerenti, respondemus, eos interim usos vel potu, vel alijs succis nutritiis aut medicamentis confortantibus.

p) l. de respir. c. 18.

XLIV. *Secundus modus est Extinctio & ab adventantibus heterogeneis igni; contrarius pendens interitus.* Repetimus verba Aristotelis, ubi ait; (p) *τελευτὴ δὲ καὶ φθορὰ βλαστῶν μὲν ἢ τῶν διεσπῶσθαι, obitus verò atq; corruptio violenta quidem est caloris extinctio.* Quem admodum autem videmus plantarum calorem nativum ab intenso frigore extinguì ipsasq; aridas decidere: idem quoq; animalibus posse accidere non dubitandum, licet hic modus minus sit frequens, quòd aëris & aquarum iniurias animalia pleraque imprimis Homo, variis modis à se aberceant. Elementari frigori imminui posse & extinguì nostrum calorem negantibus dictat pœna stabit, & nudò corpore inter nivem & glaciem horridi Aquilonis violentiæ ut exponantur, non impediemus. XLV

XLV. Prohibitæ causæ huius vices subeunt & eâdem gravitate præstant adsumta aut exterius applicata medicamenta stupefacientia & *στυλινγ*, item alimenta nimis infrigidantia.

XLVI. Papaveris succus, Mandragora, Opium & similia, an agant solâ frigiditate disputatur. Quæ de Opio docet *Sperlingius* (q) de reliquis forsan etiam vera.

q) Phys. l. 7.
p. 1180.

XLVII. Heterogeneorum aliorum catalogum non scribimus, sunt fere innumera: à culinario igne hoc discamus, ipsius naturæ quàm maximè contrariari virida & humida, quod suis calefactores testantur lacrymis: detineamus ergo nos ab humidorum copia, fructuum horariorum & aliorum aqueo succo turgentium esu crebriori: cordis enim ignem extinguere tentant & suffocare, plerumque corpore refrigeratō & tumefactō mors pallidos totos rapit & enecat.

XLIX. Qualitas calidi innati ad vitæ longævitatē & brevitatē quid faciat, docens *Philosophus* hæc addit (r); Præterea oportet, ut quod haud facile corruptibile sit, nequaquam excrementis abundet, quod enim tale est, aut vi morbi aut suapte naturâ interimitur, nam excrementorum virtus atq; facultas vicem subit contrarij atq; interdum naturam ipsam, interdum partem corrumpit.

r) l. de juv.
sen. 2. c. 5.

XLIX. Modum tertium diximus *Suppressionem* à pabuli copia, quam adaugere credimus denegatum. Tempus & Locus pabulum depascendi & subtilisandō sanguinem imminuendi. In corde restitans sanguis spacia & cavitates omnes adimplet, & quominus qui lambendō sese exsatiat, calor alimentum superet, prohibet, unde extremarum partium calor incipit languere, sanguine scilicet è corde ad ipsas relabente non ignitō aut nativi ignis radiis illustratō. Nam quemadmodum, teste *Philosopho* (s) congestu ignorum ignis restinguitur; ita multâ alimoniâ calor naturalis elanuescit. Coniungamus cum hoc sequentem;

s) l. de Sōn.
vigil. c. 3.

L. Describit illum *Aristoteles* (t), ea inquiens, corruptio calidi nativi, quæ ob refrigerationis penuriam fit, suffocatio dicitur, & quæ ea intereunt, dicimus suffocari; eadem fere & alibi repetit.

t) l. de respiratione.
c. 9.

LI. Causæ cum sint variæ & multæ plures quæ externæ & violentæ, anxie illas non conquiramus: datur forsan in subsequentibus occasio; Pergimus nunc ad ultimum modum, qui hic est contrarius.

LII. *Quintus modus est, si ignis noster nimium ventilatur definit esse, aufugit & dissipatur nullumque de se accensum relinquit igniculum, & diximus esse Dissipationem.*

LIII. Simile nec hic nos deficit. Quemadmodum aperto aëri expositus ignis apposita ligna omnia simul invadit & comburit, & vix prunas relinquit, sed cineres ferè mortificatos: ita & noster ignis, nimio motu aliave causâ agitatus crescit totamque sanguinis massam simul accendit & totum exæstulare facit corpus: cum remisit, vix caloris scintillam in exterioribus partibus animadvertimus: quid? ipse focus, qui totus illâ flammâ erat obrutus, frigere quasi incipit, id quod ex Palpitatione colligitur, *Calor enim defugiens, iniquiente Philosopho (u), seseque contrahens, motum facit & palpitatio est compellentis frigoris repulsio.* Sæpius ita dissipatus recolligere tandem sese nequit & totum interit & exanimatur corpus.

u) l. c. c. 20.

LIV. Ut denique Physicis hisce & theoreticis Practica quædam addamus, quantum quidem instituti & temporis ratio permittit, placet morborum classes stricto percurrere pede, & quibus modis hic vel ille morbus nostri ignis interitum molitur, dispicere, ut reversi per DEUM ad Praxin auxilia nostra & arma eò dirigamus, quæ jam minutissimò asterismo notasse sufficiat.

x) l. 2. offic.

LV. Notatu dignissimum est Ciceronis (x) præceptum; *Valitudo sustentatur sui corporis notitiâ & observatione earum rerum, quæ aut prodesse solent aut obesse, & continentia in victu omni atq; cultu corporis tuendi causâ, & pratermittendis voluptatibus; postremo, arte eorum, quorum ad scientiam hæc pertinent.* Totum enim opus videtur consistere in Diætæ & sex rerum non naturalium diligenti observatione: hæc est ille Philosophorum Lapis, omnibus commendanda & apta Ætatibus, nulli metuenda Sexui, quovis Tempore tractanda, & cunctis Morbis sine ullo subsequuturi mali metu, congrua & concedenda, cum illorum non paucos ipsa

y) 3. L. A c. 7. sola curet, Teste Galeno (y).

LVI. Aer quid in ignis nostri alteratione possit, dictum superius. Purum purus, impurum impurus sequitur, qui pro
mali.

malignitate & pestilentia aut dicto citius interit aut febribus
malignis hostis sui atrociam testatur & dolet.

LVII. *Cibum & Potum* modicè adsumptum corpus in natu-
rali sua constitutione conservare, uti notum est & certum, ita
certissimum, immodicè adhibitum & intempestivè, flammæ in
sanguine nidulantis, eidem resistendô, activitatem eius impedi-
re, & eius extinctionem & dissipationem moliri, introductâ, per
superiorem affluxum chyli, dispositione in visceribus, quæ alla-
bitur, impuritates ibidem linquit, vasa replet & fibras labefactat
& destruit.

LII. Hinc Cacoehymia, Cachexia, Scorbutus, Affectus
Hypochondriacus, & alii morbi ignis pabulô deterioratô no-
cent, ignem supprimunt & extinguunt. *Curaturus* sanguinis
depurationem post viscera correctâ sedulus intendat & accele-
ret, interim Cor defendens, ne tetrâ & malignis vaporibus,
quos dicti morbi spirant, petatur & opprimatur: unô impetu
hostem de loco pellere nunquam audeat, mortem enim multis
hoc motu inopinatam advenisse & securis vitæ hanc lapidem
eripuisse constat. à Cervo desumpta medicamenta primas tenent,
at Spiritus, Sal volatile fixatum, sequuntur cardiaca alia.

LIX. Idem hoc observare habemus in Melancholia, Pas-
sione Hysterica, Seminis & Menstruorum retentione & corru-
ptione. Sanguinis massæ sese adsociantes tetri vapores Cordis
infrant thalamum, ibique degentem adoriuntur flammam,
suppressionem minitantes & suffocationem, ni prophylacticis
& cordialibus instructum viderint Medicum, licet per sanguinis
subtractionem haud malè incipiat nonnunquam operari.

LX. Cruditate hac & Viscerum *ἀνωγία* stante, Apoplexiæ,
Epilepsiæ, Incubo & aliis affectibus soporosis, dantur manus,
qui omnes suffocandô nocent. Sanguinis motus cum in his
vix integer sit & naturalis, cordis obruit & Cerebri ventriculos,
eos replet, sicque submersam & ventilationem anxie desideran-
tem flammam suffocat.

LXI. Utilissima hîc non rarò evadit Venarum apertio per 2) Gal Greg.
latius ferrum: tali enim modô extinctos, si non toto corpore, Horst. ob-
certè tamen uno latere suffundi sanguine observârunt (2). Ac- serv. p. 349.
cerfi- sil. sect. 16.

cerfiti cardiaca demus præcellentiora, spirituoſa & liquida, ſimul
reſpicientes ad ſanguinis motum conciliandum: ab oppreſſion
virium, quæ præſtò eſt, debilitas, non niſi timidum Medicum
Venæ ſectiõne arcebit.

LXII. *Quies, Motus, Somnus & Vigilia* benè & rectè ſeſe ha
bentia, bona, ſin malè, mala, exceſſu vel defectu peccantia
in cibo & potu prægreſſa vitia ſummò adiuvant opere, & u
dicti affectus citiùs introducantur, laborant, ut ſuffocatur
calorem noſtrum fœnerentur, quem & diſſipandò non ran
ſuffurantur, ut contingit nimiò motu, exercitiis vehementiori
bus & diuturniore labore ſe emacerantibus & enecantibus: I
Adoleſcentibus per vina fortiora copioſiùs hauſta, Venerem in
tempeſtivè & arctiùs complexam: Lucubrationes continuas &
intentiores cogitationes. Refrigerantia his poſcentibus Medi
cus dabit potiùs ad extra, quàm ad intra, ne ſaltus ab extrem
rum uno ad alterum fiat mortifer.

LXIII. *Excreta & retenta* modis variis noſtro obverſantur
igni, cùm ad inflammationes, tumores, exulcerationes & alio
affectus ſuum tribuant ἐμῶν μέρϑ: nimià hemorrhagià ho
minem interire poſſe omnibus etiam notum. Lapsi ab alto, v
lapide aliòve violentò violenter tacti, an huc referendi, quate
nus à Sanguine concurrente, extravasato & putreſcente obitu
minantur? Venæ ſectio hìc locum habet, & aliis medicament
accerſendis locum procurat & tempus.

a(l. de gen.
animal.
p.303.

LXIV. *Animi Pathemata* maximam in vitalem flammam po
teſtatem habent & vim. In *Triftitia* & ſimilibus affectibus, ſan
guis cum ſuo igniculo vocatur ab exterioribus ad interiora, Co
dis aggravat Ventrículos & primigenium, qui ibi reſidet, igne
ſuffocat: eſt exinde exteriorum partium horror, tremor, pallor
omniumque virium lapſus, quod Harveus (a) docet; concentrat
inquit, fixòq, leviter ſanguine, velut in *Lypothymia*, Timore, frigore e
terno & febrium inſultu, videas corpus illicò totum frigefcere, torpore
pallore livoreq, perſuſum languere: evocatò autem rursus ſanguine, p
adhita fomenta, exercitia, &c. hui! quàm ſubitò omnia calent denuò ſ
rent, vigent, ſplendent. Scilicet, quemadmodum abſcedente calo
re ſolari omnia, etiam calidiſſima, frigere incipiunt, horren
omn

omnia, languent omnia, imò nisi à colore solari refocillentur, pereunt omnia: sic calore cordis imminutò & retractò aut suppressò, confestim imminuitur & reliquarum partium calor, torpent actiones earum antea vegetæ, & nisi à Cordis calore excitentur iterum & refocillentur, quod non nisi per sanguinem fieri potest, planè interirent.

LXV. Ob *Timorem* qui obierunt, uti historiæ testantur, non nullos ob *Timorem* repentinâ morte mortuos, suffocati interierunt, scil. animulâ sub valido hoc affectu oppressâ & suffocatâ, uti perspicuè docet *Galenus* (b) & exemplis declarat *Pli-*
nius (c). b) 2. de caus. Sympt. c. 5.
c) l. 7. nat. hist. c. 36.

LXVI. *Gaudium*, motu contrariò internum calorem evocat ad exteriora, dissipat, flammæque materiam ad sobolem sibi similem producendam, subtrahit, ipsamque extinguit; Hoc modo *Diagoram*, cum eodem die Olympiæ vidisset filios suos incere & coronari lætissimè gavisum, obiisse testatur *Gellius* (d). d) l. 3. noct. attic. c. 15.

LXVII. Alternus hic sanguinis & spirituum motus, quod accidenter, uti omnibus nocuus, ita vel maximè *gravidis*. ad hanc enim alterationem & ipsum fetum sese debere alterare, est credibile, qui quò nunc maior, aut minor, maius & minus aminet abortionis periculum: multiplicante enim sese jam immâ & novum motum in spiritibus excitante, qui vel ob triam aut alios animi motus languidi erant sopiti & absumpti, sanguis totus exagitatur & cum abortûs periculo spirituantiam noxiam excitat, in & citra ipsum uterum.

LXVIII. Tandem introducimus *Febres*, quibus quemadmodum nullus morbus est communior, ita & iisdem dictorum morû nullus inhabilis, quò non junctæ vel per se vel per acciden- s nostrò defraudare possint calore. Sudorifera & alexiphar- tica, ut *Mithridat*: *Lap. bez.* *CC.* *Sal. Cardbct.* *Mixt. simpl.* *Acet. zoard.* & alia febricitantibus danda lippis etiam innotuit atq; moribus: Nos ad *omn* eorundem medicamentorum respiciamus: malignos halitus non solum dissipant & flatus, sed humores frigidos viscidosque simul consumunt & expellunt, sicque ignes à centro ad peripheriam profligant, sanguinis æstumunt, illum ventilant, inque motu suò conservant, & ita à suffusionis periculo nostrum liberant ignem.

LXIX Ulteriùs progredi, eſſet pactum transgredi & promiſſa non ſervare; itaq; filum abrupimus, & cùm ſimus Homines, omneſque, ut eſt in Tabula Ceбетis, deceptionis guſtemulatices, nec reperiatur, qui ſecurus Momo medium poſſit oſtendere digitum, ſi qua erratum, benignitatem non acerbitate ſperamus, precamur!

Interim

GLORIA, LAVS ET HONOR SIT PATRI, GLORIA NATO,
SPIRITVQUE SACRO GLORIA, LAVS ET HONOR.

Ad theſin XXIX. p.8.

Omiſſa Sylvii verba B.L. hic reddimus legenda. *Conſiderandum*, inquit, 1. Solos Pulmones accipere ſanguinem & tantum ex dextro Cordis ventriculo per arteriam ſuam Pulmonalem. 2. Solos Pulmones mittere ſanguinem & tantum ad Cordis auriculam ſiniſtram & Ventriculum ſiniſtrum, per venam ſuam Pulmonalem. 3. Solos Pulmones acciſe vas continuo patulum, tracheam videlicet arteriam. 4. Solum Pulmonibus habere animalia, quorum Cordi eſt annexus Ventrìculus dexter. 5. Pulmonibus prædita animalia calorem habere in ſuo Corde & Corpore maiorem, quàm cætera Pulmonibus deſtituta. 6. In ſingulis animalibus Pulmones habentibus pro caloris in ipſorum corde accremento aut decremento augeri, imminui vè reſpirationem. Vnde liquet 1. in eundem ſcopum colligere Ventriculi cordis dextri Pulmonumq; productionem. 2. Propter ignem & calorem auctiorem conſeſſos animalibus cum dextro Cordis Ventrìculo Pulmones. 3. Calorem proinde in Cordis Ventrìculo dextro excitatum maiorem cohiberi denuò & temperari in Pulmonibus ab aëre inſpirato. 4. Huius inſervire tum arteriam Venamq; pulmonalem Sanguini devehendo anti, tum arteriam aſperam aëri aſtum temperaturo, per inſpirationem admittendo, hinc & abſolutâ temperatione ruruſum per exſpirationem mittendo deſtinatas.

F I N I S.